

桂平縣志卷十

紀地

城池 附街道

舊城在西山之半至宋嘉祐間始移建平地距西山東五里當左右兩江之會嘉泰元年知府周禧知縣廖德明繼修元至元五年庚辰推官范埜撒而新之明洪武六年百戶吳勝復廣舊城週三百七十四丈十五年陶成西展百餘丈二十九年知府沅忠舊志作沈忠前後增拓復東展數百步週一千三百二十丈闢門六南曰迎恩即南門大曰寧遠即南門北曰武宣即北門東曰威鎮即北門東曰拱宸即東門西曰安遠即西門東西開濠立

桂平縣志卷拾

紀地 城池

一

粵東編譯公司承印

柵今自小南門以西南北際江為池城垣原以土築成化三年知府孫璋始易以磚高二丈厚一丈二尺堞一千九百九

十有五樓六角樓懸樓共五砲臺窩鋪共二十三兵馬司卡堆六間編名仁信謹智嚴勇兵馬司在東南清知府胡南藩

重修改拱宸曰潯陽按此六字下前後文理不貫今正之自明以前潯州只有桂貴平南三縣而桂平為首邑故縣城以三

縣分修至清雍正八年奉文修城知縣傅輝文因七年武宣改屬潯州舊屬柳州詳請四縣分派乾隆三年知縣李志斌詳准

四縣作三股桂平貴縣各一股平南武宣共一股平南值股之六武宣值股之四桂平分自東門至上北門止城樓坊堆

東門下北門各一座貴縣則自上北門至小南門止城樓坊堆上北門西門各二座平南則自大南門至東門止城樓坊堆大南門各一座武宣則自小南門至大南門止城樓坊堆小南門各一座乾隆二十三年三月風雨大作各城樓傾圮知縣舒啓吳志綰與貴縣知縣臧祚鞏署平南縣知縣施璜武宣縣知縣倪憲張昌蕃捐貲分股重修咸豐三年知府劉體舒加修五年因兵燹城陷小南門月城就圮各懸樓窩舖亦拆毀同治十二年知府魏篤率四縣出資修復並捐廉建復小南門月城光緒之季知府彭言孝以大南門月城門東向於風水不利改修南向又因東門樓圮重修

別見亭閣門本節兼參舊

### 桂平縣志卷拾

紀地 城池

二

粵東編譯公司承印

志與府志而 街道以四穿樓爲中四穿樓者四方之所通也  
署有增改 自樓東行七百八十四步至東門曰縣前街左曲巷通縣署署舊東向今南向署後舊爲義學地其前街旁有覃辛氏節孝坊署左典史署後路通都司署自樓西行八百零五步至府前街口曰城隍街街右有巷通潯協署東向明景泰祠建左轅門外有祖師廟南向廟左寶興寺前稱祖師巷東通下北門大街爲今署與署左各祠廟盡 署右馬王廟武廟皆南向臨街進百五十餘步爲城隍廟廟右文昌宮進而穿黃謝氏賴陳氏廖氏節孝坊左爲縣學宮東向右爲桂邑書院今改爲桂平中學堂進數步爲黃楊氏貞壽坊李覃氏節孝坊與

文昌小閣閣今廢又進四十餘步過永寧坊又進九十餘步街北爲萬壽宮南向中敷教亭外慶祝宮今改爲學校府署北近城東向南出八十步至宣化坊府前街折而東七十餘步又南行二百四十步至小南門爲燈籠街有東巷通縣學宮西巷通福壽巷自宣化坊西行爲道前街街右舊爲府學署左福壽社有巷同名達小南門右城脚西達姑婆塘自福壽社前西行數武爲試院明代爲左江道署又西行通上北門大街亦名府後街街長二百六十步南至姑婆塘中通西門大街其街約長三百六十步街左潯陽書院南與府學宮學署皆東向街右有巷通馬家塘轉而東至上北門大街名

桂平縣志卷拾

紀地 城池

三

粵東編譯公司承印

弩灘角西門內有巷南行轉而東至姑婆塘西北隅名南城角自樓南行二百六十五步至南門爲大南門街街東劉太僕公祠祠左報國寺皆南向今俱廢外有路東北通縣前街西隔陂塘有文昌閣節孝祠自樓北行三百四十步至下北門其大街左卽祖師巷內有火藥局西通協署左轅門街右副爺巷通都司署署前左有明嘉靖舉人陳中立石碑坊署右東通典史署南通縣前街總計城內廣一千四百餘步袤六百餘步也自大南門月城東出沿城脚行達伏波廟若自月城轉西歷左右民舖十餘間有后新聖廟前爲接龍橋舊設府門驛

明王稱潯陽驛詩客裏潯陽暫泊舟驛樓官樹晚煙浮多情誤作琵琶夢驚覺蠻天瘴雨收

順

治十六年裁驛址連文昌祠及閣祠前南江亭亭前潯陽樓  
知府孫世昌聯東去灘聲震銅鼓西來山色接羅叢今樓亭  
供廢  
樓前石梯連級左則水簿爲潯稅南廠樓西行歷翼賢坊錦  
屏坊一路稱橫街直達小南門外下股街尾出太平坊乃可  
循河岸歷三界廟粵東會館及天后宮其地爲古猺墟至今  
市期猶用辰戌丑未日也更循岸至南江頭塘曰小南門由  
月城南出爲上股街更南分爲二一至西關口爲西街商民  
歇店咸在一東南斜出爲中股街再去爲下股街右有福壽  
巷下股街右有水巷上股街左有鹽埠巷稱後街通下股街  
西頭巷口皆建興賢坊若自月城旁出東平坊沿城脚亦通

桂平縣志卷拾

紀地 城池

四

粵東編譯公司承印

大南門之橫街也西門月城外左右俱有濠池北濠爲塘三  
口南濠爲塘五口租銀舊爲協營所收上北門外舖屋幾間  
前爲北關稅廠地租銀三兩六錢關前向設義渡其北岸漁  
樵府志入八景知縣傅文輝詩云遠岸月明歌小艇一江烟  
火出茅蘆亦佳境也知府胡南藩詩云江頭城北艇魚灣無  
數魚樵集此間把鈎即今歸別港析薪何事到深山烹鮮古  
岸歌聲起舉火前村午夢間但得相逢舊相識炊烟漠漠錦  
鱗班沿城邊西上南達教場下北門外濱河東門下舊有城  
濠今湮塞其地分左右廂所前名北廂中埠爲風雲雷雨山  
川社稷壇壇南循城脚往河邊爲南江下渡東爲洋瀾皆民

居又東爲三合觜兩江會流處也  
桂平縣附郭城枕思陵山其脈發自雲貴由崑崙盤旋至潯  
頓起高峯逶迤十里兩江環抱諸峯拱峙前明設立武靖州  
旋改爲鎮以禦藤峽諸蠻清廢隸縣治自北江過渡徑至舊  
地通羅淥峒紫荊山五指山均稱險要